

M145: gereimtes Messgebet 'Vater herre, vater got'

0,1 Vater herre vater got
0,2 nv si wir hie in dinem gebot
0,3 da man dir opfrt dinen svn
0,4 als dv vns herre hieze tvn
0,5 do du beginege den antlaz
0,6 din barmunge des niht vergaz
0,7 si en teilt mit uns des lebennes brot .
0,8 dvo beschide uns selbe dienen tot
0,9 als wir in hiute hie begen
0,10 alle die mit vns hie sten
0,11 in der gemein der christenheit
0,12 vnser clage vnt vnser leit
0,13 la dir herre erbarmen
0,14 hilf den vil armen
0,15 die in den wizen sint begraben
0,16 vnt anders trostes nine haben
0,17 wan diner genaden gvoete .
0,18 unser aller gemvete
0,19 rihte an din minne
0,20 daz unser herzen sinne
0,21 dich rehte erche-nen als du bist
0,22 durich dinen sun den haeiligen christ
0,23 des lichna- man wandelt hie
0,24 als er an den chruce hie
0,25 mit dem tode den er laeit
0,26 durich die haeiligen christenheit
0,27 do er daz rehte bluot uergoz .
0,28 din barmunge ist so groz
0,29 daz die nieman mac uonsage- .
0,30 dar umbe sulen wir niht uerzagen .
0,31 daz wir in den sünden sin geborn .
0,32 ze uoget han wir dich erchorn
0,33 für des vindes meinen rat
0,34 von unser grozzen missetat
0,35 solt u uns herre lutteren gar .
0,36 nim ouch genaedelichen war
0,37 diner vil siechen lider getuo
0,38 uns gesunt widere

0,39 daz wir ze iungest an im ersten
0,40 des marter wir alhie begen
0,41 so daz wir mit im werden aein
0,42 gevallen uf den ekestein
0,43 uz dem deu wareu sunne erschein .